

ATUISUMUT PAASISSUTISSIISST: NAKORSAATIT PUUANNUT ILANNGUSSAQ

Zyx mint 3 mg milluagassat
Zyx citron 3 mg milluagassat
Zyx eukalyptus 3 mg milluagassat
Zyx appelsin & honning 3 mg milluagassat

Benzydaminhydrochlorid

Paasissutissiissut una pingaarutilinnik imalik peqqissaartumik atuaruk.

Paasissutissiissummi matumani nassuiaatigineqartut imal. nakorsap, nakorsaaterisulluunniit ilitsersuutai maleqqissaassavatit.

- Paasissutissiissut kingorna atorfissaqartilersinnaagakku toqqussavat.
- Allaniq apeqqutissaqaruit nakorsaaterisumut apeqqutilligit.
- Kingunerluuteqalissagaluaruit matumaniluunniit allassimannigsumik kingunerluuteqaruit nakorsaq nakorsaaterisorluunniit attavigiuk. Imm. 4 takuuk.
- Ajoqutit ajornerulerpat ullulluunniit pingasut qaangiunneranni pitsassinngikkuit nakorsamut attaveqarit.

Paasissutissiissut nutarterlaaq nittartakkami uani takuuk: www.indlaegsseddel.dk

Paasissutissiap imai:

1. Sunniutaat atorreqarfissaallu
2. Atulersinnagit ilisimasassat
3. Atorreqarnissaat
4. Kingunerluutit
5. Sumiitinnissaat
6. Annertussutsit paasissutissallu allat

1. SUNNIUTAAT ATORNEQARFISSAALLU

Zyx milluagassat benzydamin-imik qarnup iluani nakorsaaitut atorreqartartunut ilaasut, qanikkut iggissakkullu ippiuteqarnermi inersimasunit meeqqanillu arfinilinnik ukioqalereersimasunit nakorsaaitut atorreqarsinnaapput.

Ajornerulissaguit ullulluunniit pingasut qaangiunneranni pitsaanerulinnikkuit nakorsaq attavigiuk.

2. ZYX MILLUAGASSAT ATULERSINNAGIT ILISIMASASSAT

Nakorsap allamut iluaqutissatut innersuuppagit tamatigut nakorsap innersuussutaa maleruassavat. Nakorsap peqqussutaa nakorsaaitillu puuanni paasissutissaat tamatigut malissavatit.

Zyx milluagassat atussanngilatit:

Benzydaminhydrochlorid akuusaluunniit arlaat saperukku (imm. 6-imi taaneqartut).

Mianersoqqussutit

Zyx nakorsaasiutsinnagu nakorsaq nakorsaaterisorluunniit attavigiuk:

-Astmaqaruit.

-Acetylsalicylsyre NSAID-nilluunniit allaniq sapigaqaruit benzydaminhydrochlorid-inik akulinnik nakorsaaitornissat inerteqqutigineqarpoq.

-Nappaammut ersiutitit pitsaanerulinnigippata ullulluunniit pingasut iluanni ajornerulerpata.

Kissarneqalissaguit allanilluunniit nappaammut ersiuteqalissaguit nakorsaq pisariaqarpallu kigutit nakorsaat attavigisariaqassavat.

Zyx saniatigut nakorsaatitukkat allat

Allanik nakorsateqaruit qanittukkulluunniit nakorsaatitorsimaguit nakorsaq nakorsaatilerisorluunniit tamatigut ilisimatiguk.

Zyx nerisanut imikkanullu akuliullugu

Zyx-ip sunniutaa nerisanit imikkanillu sunnerneqartanngilaq.

Naartuneq milutitsinerlu

Naartuguit milutitsiguilluunniit, naartusoriguit, imal. naartunissat pilersaarutigigukku, nakorsaat atulersinnagu nakorsaq nakorsaatilerisorluunniit siunersioqqaassavat.

Zyx naartunermi milutitsinermilu atorneqartariaqanngilaq.

Angallannermi suliffimmilu isumannaallisaaneq

Zyx milluagassat angallattunut akuunermut suliffimmilu isumannaatsumik sulinissamut ajoqutaanngillat.

Zyx isomalt-imik akoqarpoq.

Zyx (mamassutsit assigiinngitsut tamarmik) isomaltimik akoqarput. Sukkut arlaannik sapigaqarninnik nakorsap oqaluttuussimappatit nakorsaat atulersinnagu nakorsaq attavigiuk.

Zyx citron Zyx mint-ilu aspartam-imik akoqarput

Zyx mint Zyx citron-ilu aspartam-imik phenylalaninimit aallaavilimmik fenylketonuri-mik nappaateqartunut ajoqusiisinnaasumik akoqarput.

Zyx appelsin & honning sunset yellow-imik akoqarput

Zyx appelsin & honning sunset yellow-imik (E 110) sapigaqarnermut ersiuteqalersitsisinnaasumik akoqarpoq.

3. ZYX-IT MILLUAGASSAT ATORNEQARNISSAAT

Nakorsaat nakorsap nakorsaatilerisulluunniit ilitersuutaa naapertoqqissaarlugu atussavat. Nalornissuteqaruit nakorsaq nakorsaatilerisorluunniit aperiuk.

Nalinginnaasumik annertussuseritinneqartartoq:

Inersimasut meeqqallu arfinilinnik ukioqalereersimasut: milluagassaq ataaseq ullormut pingasoriarlugu sivisunerpaamik ulluni arfineq marlunni. Milluagassat ullormut pingasut sinnissanngilatit.

Meeqqat inuusuttullu

Meeqqat arfinilinniit aqqanilinnut ukiullit: Nakorsaat inersimasunik nakkutigineqarluni atorneqartariaqarpoq.

Nakorsaatip ilusaa pissutigalugu meeqqanit arfinillit inorlugit ukiulinnit atorneqartariaqanngilaq.

Ullut arfineq marluk sinnerlugit nakorsaat atorneqartariaqanngilaq. Anniarisat taamaaginnarpata ajornerulerpataluunniit nakorsaq nakorsaatilerisorluunniit attavigissavat. Milluagassat qarnup iluani kigaatsumik arrioriartussapput. Milluagassat ilivitsuutillugit iineqassanngillat qaqqulaarneqassanatillu.

Zyx ingasaassimagukkit

Zyx-it milluagassat paasissutissiissummi matumani allassimasumiit nakorsalluunniit aalajangigaaniit ingasaassisimaguit (iluallioruillu) nakorsaq, ajoqusersimasunut nakorsiartarfik nakorsaatilerisorluunniit attavigiuk. Nakorsaatip puua nassaruk

Qaqutigooqisumik annertussutsinilu nalinginnaasumiit qaffasinneroqisuni (milluagassap ataatsip untritileriaataanik annertussusilimmik) meeqqani puffassimaarneq, nukiit qilusaqattaarnerat, kiammik anisineq, uppeqqajaaneq, sajunneq imal. meriarneq nalunaarutigineqarnikuupput. Nalornissuteqaruit nakorsaq nakorsaaterisorluunniit aperiuk.

4. KINGUNERLUUTIT

Nakorsaat nakorsaaititut allatulli kingunerluuteqarsinnaavoq inuilli tamarmik kingunerluuteqartanngillat.

Kingunerluutit nalinginaangitsut (atuisut 100-uuppata ataatsip pallittunit misigineqarsinnaasartog):

- Qaamanermik sapigaqarneq

Kingunerluutit qaqutigooqisut (atuisut 1000-uuppata ataatsip pallittunit misigineqarsinnaasartog):

- Qarnup kissanneranik misigineq, panertoorneq. Taama misigiguit imermik imerlutit nipaallisinniarsariuk.
- Sapigaqarnermut ersiutit, aniornininneq ungillerinerlu (pingaartumik timi tamakkerlugu sunnerneqarpat)

Kingunerluutit qaqutigooqisut (atuisut 10.000-uuppata ataatsip pallittunit misigineqarsinnaasartog):

- Sapigaqarnikkut qattusuunik aniornininneq pullatitsinerlu. Navianaateqarsinnaavoq. Nakorsaq oqaluuguk. Kiinaq, sigguit oqarlu pullalerpata inuunermut navianarsinnaavoq. Ambulance-mut sianerit.
- Iggissakkut qilusoorneq anerkilliutaasoq. Nakorsaq ajoqusersimasunulluunniit nakorsiartarfik attavigigasuaruk. Pisariaqarpat ambulance-mut sianerit.

Akulikissusaat ilisimaneqanngitsut (maanna ilisimasat tunngavigalugit akulikissusaat eqqoriarneqarsinnaanngilaq)

- Aniornineriasaarneq, anerkilliorneq sapigaqarnermillu patsiseqartumik iluaallerneq. Inuunermut navianarsinnaavoq. Ambulance-mut sianerit.
- Qarnup ilisimannginngitsutut misiginera.

Kingunerluutininik nalunaaruteqarneq

Matumanissaaq taaneqanngitsumik kingunerluuteqalissagaluaruit nakorsaq, peqqissaasoq nakorsaaterisorluunniit oqaluuttariaqarpat.

Illit nammineq ilaqquttatilluunniit Lægemedelstyrelsimut Axel Heides Gade 1 DK-2300 København S toqqaannartumik kingunerluutininik nalunaaruteqarsinnaavusi www.meldenbivirkning.dk imal. E-mail: dkma@dkma.dk

Kingunerluutininik nalunaaruteqarnikkut nakorsaammik matuminnga atuinerup isumannaassusaanut tunngatillugu paasissutissanik annertunerusunik pissarsinissamut ikiuussinnaavutit.

5. SUMIITINNISSAAT

Zyx meeqqat inorsillugit inissikkat.

Zyx milluagassat atornerqarfissaattut killiliussaq qaammammi ulloq kingulleq puuanni allassimasoq qaangiutereersimappat atussanngilatit. Nakorsaait isugutseqqunagit qaavatigut puuaniitiinneqassapput. Zyx mint aamma Zyx citron 25 °C sinnerlugit kissassusilimmiitinneqassanngillat. Zyx eukalyptus aamma Zyx appelsin & honning 30 °C qaangerlugit kissassusilimmiitinneqassanngillat.

Nakorsaait sinnerisa qanoq iliorneqarnissaat pillugu nakorsaaterisoq aperiuk. Avatangiisit illersorniarlugit nakorsaait sinnerinik kuuffimmut, anartarfimmut eqqaavimmulluunniit igitseqinak.

6. ANNERTUSSUTSIT PAASSISSUTISSALLU ALLAT

Zyx milluagassat akui:

Nakorsaatitaa: benzydaminhydrochlorid 3 mg (benzydamin 2,68 mg nalinga).

Akui allat:

Zyx mint: isomalt (E 953), aspartam (E 951), levomenthol, citronsyremonohydrat, citronaroma, pebermyntearoma, quinolingult (E 104), indigotin I (E 132).

Zyx citron: isomalt (E 953), aspartam (E 951), citronsyremonohydrat, citronaroma, pebermyntearoma, quinolingult (E 104), indigotin I (E 132).

Zyx eukalyptus: Isomalt (E 953), acesulfamkalium, citronsyremonohydrat, eukalyptusolie, levomenthol, quinolingult (E 104), indigotin I (E 132).

Zyx appelsin & honing: isomalt (E 953), acesulfamkalium, citronsyremonohydrat, appelsinaroma, honningaroma, levomenthol, quinolingult (E 104), Sunset yellow (E 110).

Isikkui imartussusaallu

Zyx milluagassat sisamanik teqeqqoqarput qitermikkit itinersaqlutik.

Zyx mint qorsuupput, Zyx citron sungaarlutik qorsorpaluttuupput, Zyx eukalyptus qorsuk taartuupput Zyx appelsin & honing-illu aappalunguserlutillu sungaarujuttuupput.

Milluagassat poortat 20-inik 30-inilluunniit imaqarput.

Amerlassutsit tamakkerlutik pissarsiarineqarsinnaanerit apeqqutaassaaq.

Nioqquteqarnissamut akuersissutilik tunisassiortorlu

Nioqquteqarnissamut akuersissutilik

Meda OTC AB

Pipers väg 2A

170 73 Solna

Sverige

Danmarkimi sinniisoqarfik:

Meda AS Solvang 8

3450 Allerød

Telefon: 44 52 88 88

Fax: 44 52 88 99

E-mail: info@meda.dk

Tunisassiortoq

Zyx mint, Zyx citron, Zyx eukalyptus, Zyx apelsin & honing

ACRAF SpA

Via Vecchia del Pinocchio 22

60131 Ancona

Italien.

Paasissutissiissut kingullermik nutarterneqarpoq april 2016.